

歷代 日記叢鈔



學苑出版社

歷代日記叢鈔

第二二冊

CC-0. In the Public Domain. Digitized by srujanika@gmail.com

九月初一日晴各官弁目稟叩免各遊都守稟朔
已刻日食率領各官弁望日叩頭救護

衡州協兵高發睡覺穿耳

通事蕭思學帶曾遊戎通事閔子德稟見

差外委韓第往八弓查少夫

成刻通事閔子德赴轅稟話

今日兵田世富田弘太同帶苗勇往抱金一路密得

通事鄧國正楊老九在鬼槐搜獲苗婦一口小孩四口發看守

初二日晴四更德安營驚

德安營盤兵丁夜驚總親左江鎮令綢縛該營把總一員外

委二員兵丁三名副叅等求寬准令該管將官責懲兵丁穿
耳遊營

長沙兵羅文睡覺穿耳

未刺令千總王應槐苗婦男女五名口赴副將軍行營

先解至王鎮營令候文轉解

差鄧國正楊老九搜探

思州府知府甘公士秀來營拜會

總統左江鎮王公無黨發分派進剿兵數單

黃州協由苗渡為右路羅曾楊三遊擊為中路洞庭

協同謝鄭二叅將九路協同彭都司余王二遊擊為左二路

由平章惠州協由者磨兵多者四百三百人少者五百人限
次日分道前進

初三日雨謁總統議以初四啟行

田世富田弘太閩子德國銷王鎮臺賞閩子德及二丁銀牌各一面
查探得小路走岑松分路由右手走唐角寨十五里上坡有
賊阻路唐角跟梁下苗榜五里是苗穴苗棚翻梁至報勾五
里是苗穴報勾翻梁下溝至烏門十五里烏門十五里至瓦
琶寨係東勝招撫之寨大路由岑松至惠州八里惠州至平
章一里平章至內寨十五里內寨五里至苗榜
差送牛四隻於鎮營

借辰惕大砲一位子五十個藥三十斤發砲手經管

接馬惕書云前高澤寨獻來逆苗包毛係會同具稟楊威將軍移交宋司馬監禁之犯今愚兄於二十六日會同宋司馬審取確供係為從逆黨已將該犯梟首通京各憲矣恐塵威懷合將稟稿抄錄附覽再者前奉楊威將軍頒發開通清江一案賞犒因銀牌不敷是以貴部中外委亦有未經領賞者今復奉補發前來祈老賢弟將未領賞犒之外委開列附知便差領回

初四日^雨自台網起營與賊大戰于平章河下克其寨城

遵檄率本部守備薛懋功千把外委王應槐劉天廷李之安

趙國柱韓第蔣光儀等並統領都司彭友俊遊擊余忠王自
明等共兵八百五十七名分佈岑松壘州平章埋伏截殺黎
明冒雨前進沿途相度形勢令王遊擊彭都司在岑松南道
旁山梁北營把截翁泥六甫路口統兵進次壘州與余遊擊
相度形勢無可下營之處前隊報稱逆苗阻路拒敵隨將夫
擔壓後先督本部八隊官兵直抵平章河壘四面山梁溝箐
層層密佈踞住塞基土城分兵令守備薛楚功把總李之安
各帶一隊伏于河壘保護擔夫以防襲後千總王應槐外委
把總韓第趙國柱帶兵三隊進攻平章右路外委把總蔣光
儀帶兵一隊並隨兵一隊進攻左路督同千總劉天廷帶兵

一隊直上寨前山梁逆苗數百果從左手口河抄出左路官兵直從河中冲殺隊，對敵奮力斬殺余遊擊督催官兵接鹿千總蔡先傑文尚禮外委把總楊正帶兵追入河口把總周國忠外委把總余允隨征外委景如龍王士位常士元翟學成劉興德梁起鳳等帶兵一併繼進搶上山寨攻奪土城各路官兵一齊奮勇攻擊逆苗大敗奔潰右路追過五里直至寨後山埡左路追入河箐直抵壘輕見係空寨止令未燒賊衆四散竄入深箐會日暮_取兵與余遊擊扎營寨基土城於後山連築砲臺二座各撥弁兵把守攻奪土城永順協兵周朝被鎗傷左脇子出河口追賊九谿協大旗兵丁賈之位

被鎗擊斷藥桿連穿盔襯打落髮辮未傷皮肉逆苗被鎗
斃死者俱未獲屍首

晚發嚴謹號

初五日晴遊擊余忠移營至州仍扎營土城

相度要隘令余遊擊帶領千總蔡先傑兵二百七名移營

至州前河口山梁仍扎營土城把截狡狂苗^{包漢}各處路徑

湖廣提標兵李自成自己刀傷股膊記責

分兵擊賊于內寨敗之

洞庭協魏公國奉統兵過平章逆苗于內寨拒敵分兵左路
接應擊賊逆苗外委把總韓第所帶衛州協兵王光祖^索鎗傷

左手腕子出胎書于王進戎曰今日聽見老長兄營盤鎗砲響了許久不知苗子來的多少遠近若少或遠千萬莫管止固守營盤為要慎勿輕動尤須相機截殺必先立于不敗之地而後可所派押糧官兵不知因何將老長兄營盤糧一挑送弟處今擬明晨送^差官兵送來放哨迎接要曉老長兄此處是何情形示知望州無下營之處令進戎現在同弟一處老長兄營盤未免孤懸令人放心不下倘有事弟必親來應援夜間更須固守_口噯

晚發謹守號

初六日雨骨傷兵周朝正王光宗一兩銀牌各一面賈之位五錢

銀牌一面

提標右營劉士元兵丁周得二人打架目兵緝責二十穿雙耳
兵丁穿耳遊營

苗勇楊老二在搜過寨內搜獲甲一身

賞砲臺苗勇火藥

接王遊戎書曰接捧大教關愛已極殊深銘感昨午鎗砲連
聲乃係羅馬二年臺率兵至此見小醜肆狂威加示懲但此
逆苗亦不過苟延時刻弟附驥叨征自必遵守營盤相機截
殺至敬營盤緊對賊山勢亦孤單致爾逆苗四佈山頭毫無
畏憚弟惟嚴督弁兵晝夜隄防倘有驕事自必仰賴威臨至

駐駐創營盤或必欲在斯抑或另移岑松希望示覆遵照所有
糧石即着官兵放哨迎接此佈謝

晚發展肅疏

洞達協攻克南高山寨羊寨西三寨駐師南高

初七日丙午崔世英帶鄉兵赴魏協營投書未刻回銷

貽書于魏協謝鄭二參戎曰昨見煙火四起砲聲連天知老
長兄雄師克捷已抵南高但未知詳細今特差丁走賀祈示
知情形老長兄處糧足五日之食否世英等四票已燔南高
南寨羊寨西三寨

謝參戎營兵三名來營養傷

晚發謹防號

接提總王鎮臺書曰九月初六日亥刻接將軍來劄並抄附覽
茲者進兵數日杳無所聞不特我心念之于茲即提理將軍
大人亦懸之在抱諒諸公必奮然而有成也但此一帶蓋係
逆穴所以分兵而進順便搗剿到處皆可成功夫用兵一道
有分有合用正用奇得進即進得攻即攻提在臨机應變決
斷運乎一心如惠州協駐扎者磨兵止八百屢經攻搗逆巢
斬殺擒獲尤多各處兵已三千而無勝人之謀不知 欽差與
將軍視吾軍為何如人也請諸公細思之至于運糧一節如
駐劄何地先撥兵護出夫馬或苗夫間用乃可源之接濟並

聞來字幸與衆同事共聞之將此番遣兵老先生佈置嚴定
可成功總理大人懸望之至連有札來問信佳音一至乞迅
即示知以慰懸切至彼處一帶均屬克寨得勝之後即當乘
此破竹之勢或分或合順便剿洗除已經投誠之寨前已開
單呈覽姑免加兵其餘皆在應剿之數不必分別先後只看
得便即行下手若必待請示而行徒然耽延時日逆苗必致
聞風逃避矣望老先生速飭諸將遵照而行倘有懶惰不前
及多生議論不遵鈞令者即為揭報擒之其貴神速一切機
宜諒老^先生定有碩畫也

初八日雨發肅送夫馬出台網

貽書于王遊戎曰今日差官兵護送夫馬出去運糧據運糧
官稟稱老長兄處尚少糧二斗五升未得定收口袋尚未倒
出今特先差人來可將來米查收定支交帶隊官蔣光儀帶
帶來發給口袋倒出俟夫馬一到即便發交毋令隊伍等候
我等把守要隘兵勢單弱萬難送至台網聞得難民割谷俱
至岑松今議弟營出兵二隊余遊戎出兵一隊老長兄出兵
一隊送過岑松即令弟營二隊同鄉兵前往糧來時老長兄
可派兵接至岑松弟派兵來接特此達知並抄錄鎮臺來札
呈覽接魏協鄭謝二參戎書曰逆苗聚在南高內寨羊寨西
三處猖狂至極弟等托福督率官兵奮勇剿洗連破三寨逆

苗夷胆避竄江外我師現在南高駐劄候右中二路官兵會
合至于兵糧尚能供支四日並奉聞

晚發同心號

初九日雨

接洞庭協札云昨接總統來劄議及南高官兵須多脩軍糧
著令發回夫馬駝運弟今將夫馬撥兵護出前至貴營敢希
撥兵護護前往再弟欲遣兵搜捕餘孽這兩日連綿大雨不
能舉動奈何奈何抱金來苗榜與唐角兩路竟無消息近日
望輕苗情亦不得知諒老長自有奇謀得便寄字示知為感
又接鄭參戎書曰軍行緊急不及略教弟湖北遠員諸事未

諸正藉指南而老長兄獨將弟所部之苗兵留營致使前途
迷道望乞飭發來營以便引導剿洗也又接王鎮臺書曰連
日天雨迷霧弟焦心如焚而竟憂鬱成疾竊年老長兄與諸
將士奮力疆場處于密煙嶂霧之中風雨飄零經歷苦境言
念及此幾至廢食危殆數日來並無一毫確音副將軍與提
理大人聽望提音極矣昨又差弁疊至弟竟無辭以對字到
煩老長兄將近日情形見示以便轉達其雨霧之際兵丁夫
役出沒無憑防逆苗伏草截路夜間更要嚴守牆壘不得
一毫懈怠至于攻剿務須相機而行至囑至囑今來糧米祈
老長兄預為通知魏公仍煩撥兵送至適中之地令魏公撥